

147. FITXA BIZKAIA – Bizkaiko Lurralde Historikoan 2025eko ekitaldian kultur proiektuak egiteko dirulaguntzak

Nori zuzendua: Bizkaiko Lurralde Historikoko udalak, udal erakunde autonomiadunak eta mankomunitateak; elkarteak, fundazio pribatuak eta gizarte-ekimeneko kooperatibak; sozietate anonimoak, erantzukizun mugatuko sozietateak, kooperatiba-sozietateak eta sozietate zibilak, bai eta pertsona fisikoak ere.

Sarbide-esteka: [Hasiera - Bizkaiko Foru Aldundiko egoitza elektronikoa](#)

Erreferentziazko araudia: [Bizkaiko Foru Aldundiko 61/2025 FORU DEKRETUA, ekainaren 12ekoa. Honen bidez, Bizkaiko Lurralde Historikoan 2025eko ekitaldian kultur proiektuak egiteko dirulaguntzen oinarri arautzaileak eta deialdia onesten dira](#)

Eremuak: Kultura

Zenbatekoa: 1.554.000 € (udalak: 420.000 €; elkarteak: 1.016.000 €; sozietateak eta pertsona fisikoak: 118.000 €)

Eskabideak aurkezteko epea: 2025/07/11

Laburpena

2025. urtean Bizkaiko Lurralde Historikoan garatzen diren proiektu hauek diruz lagunduko dira:

- Garrantzi bereziko kultur proiektuak.
- Interes kulturalako proiektuak.
- Enpresen kultur proiektuak (*fitxa honetan ez dago deskribapenik*).
- «Bizkaiko Jaialdiak»- Bizkaiko jaialdiak.
- Garrantzi berezia duten praktika garaikideen erakusketetarako dirulaguntzak.

Dirulaguntzaren eskabidearen xede den proiektua kategoria horietako baten babesean egin beharko da. Kategoriak baztertzailerak izango dira elkarren artean.

Diruz lagundu daitezkeen jarduerak

GARRANTZI BEREZIKO KULTUR PROIEKTUETARAKO DIRULAGUNTZAK

Espezializazio edo berezitasun maila handia eta Bizkaiko Lurralde Historikoko kultur arlorako garrantzi handikoak diren proiektuak lagundu ahalko dira diruz. Kultur eremu hauei egin behar diete erreferentzia:

1. Ikusizko eta ikus-entzunezko arteak.
2. Arte eszenikoak: antzerki-, dantza-, musika- edo zirku-ikuskizunak antzeztea, ematea edo eszenaratzea. Sarea ekimenaren barruan (Euskadiko Antzoki Sarea) dauden Bizkaiko antzokien urteko programazioa kanpo geratzen da.
3. Kultura tradizionala (musika, dantza eta euskal folklorea).
4. Kultur gaiei buruzko ikerketa eta garapena.
5. Pentsamendua eta debatea.
6. Aldizkako argitalpenak editatzea (baldin eta ez badira doakoak eta ez badira beste argitalpen nagusi batzuen gehigarriak), baldin eta literaturari buruzkoak edo diruz lagunduko diren kultura-arloetako edozeini buruzkoak badira.

Proiektuek gutxienez **120.000 euroko aurrekontu araztua** izan behar dute Bizkaiko Lurralde Historikoko elkarteek, fundazio pribatuek eta gizarte-ekimeneko kooperatibek garatu badituzte, eta **175.000 euroko aurrekontu araztua** Bizkaiko Lurralde Historikoko udalek, udal-erakunde autonomoek eta udalen mankomunitateek garatu badituzte.

Proiektuak 2025eko ekitaldian gauzatu behar dira.

KULTUR INTERESEKO PROIEKTUETARAKO DIRULAGUNTZAK

Diruz lagundu daitezkeen kultur intereseko kultur proiektuak dira balio artistikoa eta sortzailea dela medio Bizkaiko kultur eskaintzari ekarpen garrantzitsua egingo diotenak, udalerritik kanpo ere eragina dutenak eta kultur arlo hauetakoak badira:

- a) Arte eszenikoak antzerki, dantza, musika edo zirku ikuskizunak antzeztea, ematea edo eszenaratzea. Sarea ekimenaren barruan (Euskadiko Antzoki Sarea) dauden Bizkaiko antzokien urteko programazioa kanpo geratzen da.
- b) Folklorea.
- c) Kultur ikerketa eta garapena.
- d) Ikusizko eta ikus-entzunezko arteak.
- e) Pentsamendua eta debatea.
- f) Aldizkako argitalpenak editatzea (baldin eta ez badira doakoak eta ez badira beste argitalpen nagusi batzuen gehigarriak), baldin eta literaturari buruzkoak edo diruz lagunduko diren kultura-arloetako edozeini buruzkoak badira.

Horrez gain, araztutako aurrekontua izan beharko dute:

- a) **10.000 euro** edo hortik gorakoa, eta **120.000 euro** baino gutxiagokoa Bizkaiko Lurralde Historikoko elkarteek, fundazio pribatuek, eta gizarte-ekimeneko kooperatibek garatu badituzte.
- b) **15.000 euro** edo hortik gorakoa, eta **175.000 euro** baino gutxiagokoa Bizkaiko Lurralde Historikoko udalek, udal erakunde autonomoek, eta mankomunitateek garatu badituzte.

Proiektuak 2025eko ekitaldian garatu behar dira.

«BIZKAIKO JAIALDIAK» - BIZKAIKO JAIALDIETARAKO DIRULAGUNTZAK

2025ean Bizkaiko Lurralde Historikoan «Bizkaiko Jaialdiak» egitea sustatzeko proiektuak diruz lagunduko dira, jaialdiek baldintza hauek betetzen badituzte:

- a) Arte eszenikoetako ikuskizunak edukitzea: musika, dantza eta/edo antzerkia.
- b) Gutxienez ere lau emanaldi izatea (kontzertuak, errepresentazioak, eszenaratzeak edo erakustaldiak).
- c) Aurrekontu araztua **10.000 eurokoa** edo hortik gorakoa izatea Bizkaiko elkarteetan, fundazio pribatuen, eta gizarte-ekimeneko kooperatiben kasuan, eta **15.000 eurokoak** izatea Bizkaiko udalen, udal erakunde autonomoen, eta mankomunitateen kasuan.

GARRANTZI BEREZIA DUTEN PRAKTIKA GARAIIKIDEEN ERAKUSKETETARAKO DIRULAGUNTZAK

Diruz laguntzen diren jarduerak Bizkaiko Lurralde Historikoko udal erakusketa-aretoek edo Bizkaiko udalek itundutako erakusketa-aretoek 2025. urtean garrantzi bereziko praktika artistiko garaikideak zabaltzeko programatzen dituzten erakusketak izango dira.

Dirulaguntza jasoko duten erakusketak 2025. urtean hasi behar dira eta 2025eko abenduaren 31 baino lehen amaitu beharko dira. Erakusketak gutxienez hiru asteko iraupena eta erakusketari buruzko alderdi guztietarako komisario/arduradun bat izan behar dute (erakusketaren parte-hartzaileak aukeratzeko, katalogoa zuzentzeko, komunikazioa egiteko eta arte garaikidearen sustapen eta zabalkundea lortzeko beharrezkoak diren beste alderdi guztietarako).

Diruz laguntzeko gastutzat joko dira honako hauek:

- a) Erakusketaren katalogoa argitaratzea.
- b) Erakusketako komisariotza.
- c) Artelanak dauden tokitik erakusketa aretora garraiatzea eta jatorrizko lekura itzultzea, bai eta areto batetik beste batera garraiatzea ere. Halaber, erakusketari datxekien aseguruak ere dirulaguntza jaso dezaketen gastutzat joko dira.
- d) Bitartekaritza ekintzak.
- e) Artisten ordainsariak.
- f) Erakunde eskatzaileak erakusketarako berariaz kontratatutako langileak.
- g) Erakusketaren publizitatea.